

Dissertatio Juridica 2241  
Ad L. Emptorem 9. Cod. de loc.  
& Cond.

*1687.4.*  
**COMMUNEM**  
**EJUSDEM LEGIS INTER-**  
**PRETATIONEM ET HINC**  
**ENATUM ILLUD VULGARE:**

**Gauff gehet vor Miethe /**  
refellens:

QUAM  
**DEO VOLENTE,**

P R A E S I D E

V I R O A M P L I S S I M O A C C O N S U L T I S S I M O

**D N . HERMANNO** *Toll/*

J Cto & Pandectarum Professore in hac Illustri

Academiâ celeberrimo,

Patruo, Hospite ac Praecepore suo venerando,

Publicè defendenda suscepit

**PHILIPPUS ECKHARDUS**

**30LL/** Hombergâ-Hasslus.

In Auditorio fCtorum ad d. 30. Aprilis

Anno M DC LXXXVII.

RINTHELII, Typis G. Caspari Wächter/ A. Typ.

VIRIS  
Nobilissimis, Strenuo, Amplissimis  
& Consultissimis  
**DN. NICOLAO**  
**Soll /**

Ad copias auxiliares Circuli Rhenani  
superioris, in expeditione Hungaricâ contra  
Turcas, deputato à Serenissimo nostro Cattorum Principe  
Questori, jam Comortæ degenti. Parenti suo indulgen-  
tissimo, omniq[ue] filiali honore & obsequio per-  
petuum colendo.

**DN. HERMANN O  
ANDFELD,**

J. U. L. in Dicasterio Ser<sup>mi</sup> Hassorum Principis  
Advocato Ordinario, & Senatori apud Cassellenses  
gravissimo,

**DN. JOH. CASPARO  
MURHARDO,**

J. U. D. & in Cassellensi Dicasterio Advo-  
cato Ordinario.

*Dominis Affinibus suis honoratissimis*

Dissertationem hanc, studiorum juridicorum  
specimen qua par est reverentiâ & hono-  
re Dedicat

*RESPONDENS.*



# I. N. D. N. J. C. A.

## Thes. I.



Onstans & unanimis est omnium quotquot hactenus nobis obvenerunt, Interpretum juris sententia: Emptorem aut alium singularem successorem non teneri stare locationi cum Venditore initæ , sed Conducentem ante finitam locationem expelli posse, eique nullam vel actionem vel exceptionem , quā se adversus Emptorem in conductione tueri possit, sed ratione sui intresle actionem ex Conducento adversus Venditorem duntaxat competere : Nisi cum Emptore expressie pactus sit, ut in Conductione maneat, aut in securitatem Contractū Locationis antē cum Venditore initi tem conductam sibi oppignorari curaverit, *Siruv.* Syntagm. Jur. Civ. Exerc. 24. ib. 27. *Wesemb.* paratitl. ff. loc. conduct. n. 15. ibique Hahn. in not. Treutl. vol. 2. Disp. 29. ib. 3. & ibidem Bacchov. Brunneman in l. 9. Cod. de loc. & Conduct. l. 25. l. 32. ff. eod. Carpzov. Iurispr. For. p. 2. const. 37. def. 4. Marv. pars. 2. decis. 54. n. 1. & p. 5. decis.



359. n. I. Vinn. in §. ult. de loc. & conduct. & Schneidevvin.  
cod. loc. n. 3.

**II.** *Q*ux quidem sententia in Germaniâ passim pro certò & nullatenus dubio jure recepta est & rerum judicatarum frequentia adeò innouuit, ut etiam apud Vulgus in proverbium abierit: *Kauff ges het vor Miethe. Struv. Carpzov. Schneidvv. dd. loc. Coler. p. I. decis. s. n. 16.*

**III.** *V*erum enim verò, ut ut hæc ita se habeant, nihilominus tamen illam sententiam ne quidem de jure civili ( nam de jure naturæ vix dubium est ) usque adeò liquidam & indubitatam existimamus, sed potius contrarium: Scilicet *Conductorem eo casu, quo in possessione rei conducta constitutus est, Emptori vel alii singulari successori ante finitam locationem cedere non tenet, sed Exceptione contractus etiam adversus ipsum Emptorem & similem successorem se defendere, & per vim expellere conanti resistere posse: Juri Civili convenientius attinguntur.*

**IV.** *T*ralacitum enim est. Neminem posse plus juris in alterum traferre quam ipse habet. *l. nemo 54. ff. de reg. Iur.* Nec aliquem melioris conditionis esse debere, quam Author ejus à quo jus in ipsum translit. *l. 175. ff. eod.* Unde Ulpianus absurdum esse dicit, plus juris habere cum cui legatus sit fundus, quam heredem, aut ipsum testatorem si viveret. *l. 160. §. 2. ff. eod.*: Cum itaque Locator Conductorem antè tempus locationis fuisse expellere nequeat *l. 60. pr. ff. locat. l. 3. l. II. & l. 32. Cod. cod. Struv. Exercit. 24. tb. 10.* Nec Emptor, quippe cuius causa plerumque eadem esse debet circa petendum ac defendantum

quæ



quæ fuit Auctoris. l. 156. §. 2. ff. de Reg. sur. aut alius successor, utpote qui jure auctoris uti debet. l. 177. ff. eod. eundem expellere poterit.

**V.** ET quæso, qui Locator nondum finitâ Locatione rem vendens hoc contractu tertio sc. Conduktori præjudicare aut nocere potest? contra l. sepe 63. ff. de re judicat. & it. Cod. inter al. act. vel judic. al. non noc. Quomodo venditione rei, quam alius ex justo contractu ab ipso tener, ejus jus intervertere potest? contra regulam in l. 11. ff. de Reg. Iur. Præsertim, cum disertè scribat Pomponius in l. 67. ff. de Contrah. empt. Alienatio cum sit, cùm causâ sua dominium ad alium transferimus, quæ esset futura, si apud nos eadem res manfisser. Quo loco nomine *Causa* non tantum fructus & accessiones, sed etiam omnia onera quæ rei cohærent (quod sine dubio jus Coloni ante finitam locationem pertinet;) intelliguntur. *Gloss. Brunnem. & Dd. comm. ad h. l. ibique in not. Gothofred. lit. g.* Eoque casu, quo res alteri locata venditur, Venditorem vacuam possessionem Emptori tradere non teneri, evincat l. s. zum fundum 68. de contrah. Empt.

**VI.** UNDE non videmus, quâ actione Emptor Conduktorem cedere nolentem expellere possit. Nam rei vindicationem (quam forte intendere conatur) quod attinet, illa in præsenti casu, ubi Venditor vacuam possessionem rei venditæ tradere nequit, Emptori non comperit, siquidem Dominium rei venditæ non aliter transit in Emptorem; quam si venditor rei venditæ vacuam possessionem tradiderit, per ext: in l. 2. §. 1. ff. de Act. Empt. l. 8. Cod. eod. Vacua autem possessio hoc loco dicitur illa, quæ ab omni pos-

A 2

scs.

❧

ſeffione non tantum propriè diſtā tali, ſed etiam à quālibet alterius nudi detentione v. g. Commodatarii, De-  
poſitarii, Conduxtori &c. libera eſt : d. l. 2. §. 1. ibique  
Brunneman. VVſemb. tit. ff. de contrah. Empt. n. 13. ibi-  
que Hhn. innot. Siruv. Exerc. 23. tb. 110.

**VII.** E<sup>t</sup> poſto non conſeſſo, dominium in  
Emptorem hoc caſu tranſferri poſſe,  
ipſi tamen adverſus Conduxtorem agenti non minus ex-  
cepſio contractus Locationis & Conductionis cum Ven-  
ditore initi obſtabit, quām ſi ipſe Venditor eum expel-  
lere conaretur Arg. l. 143. ff. de Reg. jur. & l. apud Cel-  
ſum 4. §. 27. ff. de dol. mal. & met. except. ubi expreſſe  
Ulpianus docet: Rei quidem cohārentem Exceptionem  
(qualis eſt Exceptio ex pacto aut contractu) rufultans l.  
Exceptiones 7. §. 1. ff. de Except. junct. l. 9. ff. de probat.) et  
iam Emptori nocere. Qyod & interpretes Juris noſtri  
agnoscunt, & ad quemvis ſingularem ſucceſſorem exten-  
dunt. Brunneman in d. l. 4. ff. de dol. mal. & met. Except.  
Zanger de Except. p. 3. c. 26. n. 213. Bartol. in l. ſi quis reno-  
ff. de Procur. Mæv. p. 4. decif. 295. n. 4.

**IX.** PRæterea firmitur hæc noſtra ſententia  
non parum per l. Colonus 12. ff. de vi, &  
vi arm. ubi Marcellus eo caſu, quo Colonus iuſtam aut  
probabilem iuſtendi cauſam habet, eidem non tantum  
juſ non admittendi Emptorem ſed etiam ſi de facto ab  
eodem expulſus ſit, Interdictum unde vi adverſus eum  
dem concedit, Venditori autem conquerenti ſe hoc i-  
pſo, quod Emptor non ſit admiſſus vi expulſum videri  
denegat. Quia autem iuſtior, aut probabilior iuſtendi  
rei conuictæ & Emptoris non admittendi cauſa eſſe  
poſt, quam Conduxtoris, qui contra contractum ali-  
quid,



quis jus percipiendi fructus interverttere conatur? E.  
quidem *Glossa in d. l. 12. & Dd.* ibidem communiter  
hic à nobis abeunt, & verba illa, *nisi forte ob justam &*  
*probabilem causam id fecisset*: ad alias diversas causas e.g.  
ad jam exsolutas pensiones, vel expensas in rem factas  
servandas, vel si ignorabat dominum vendidisse aut velle  
ut in possessionem admireretur Emptor &c. Restrin-  
gunt, sed sine ulla juris necessitate & authoritate: Sa-  
tius itaque est, si verba generaliter prolatæ etiam gene-  
raliter intelligamus & accipiamus, prout id notant &  
docent *Dd. ex l. 8. ff. de publ. in rem act.*

**I X.** *E*t cum hoc etiam convenit Papinianus *in*  
*l. cum fundum is. pr. ff. eod.* ubi colono c-  
tiari venditoris voluntate ab Emptore expulso inter-  
dictum unde vi adversus Emptorem concedit, manda-  
tum hoc illicitem vocans, ideoque non juvandum Em-  
ptorem qui id suscepit, dicens. Ex quo iterum ma-  
nifeste apparet, tantum abesse, ut Conductor expelli-  
possit ab Emptore, ut etsi hoc faciat Venditoris man-  
dato, restituere debeat possessionem Conductor. Nec  
est quod *Gloss. Brunneman & Dd. Commun. ad d.l.* ex-  
istimant, eo in casu Colonum causam possidendi muras-  
se & ex colono violentum possessorem esse factum, id-  
coque ei non ut Colono sed ut injusto Possessori in-  
terdictum dari: Cum nemo sibi causam possessionis mu-  
tare possit *l. 3. S. 19. l. 19. S. 1. ff. de acq. poff. l. 23. Cod.*  
*de loc. & cond. qui textus nominatim de Conductore agit.*  
neque ullo modo injustus possessor dici potest, qui le-  
gitimam causam possidendi & quidem ab ipso Domi-  
no habet. Hoc quidem concedimus eo casu, quo con-  
tra voluntatem Domini Colonus expellitur, non Colo-



no, sed Domino (quippe qui tunc principaliter expulsus censetur) interdictum competere, Eoque referimus Ulpianum in l. i. s. 10. ff. d. t. de vi & vi arm. Alia autem est ratio, quando ipse Dominus vel Iesus jussu aut voluntate alius Colonum contra fidem contractus expellere conatur. Tunc enim, ut ipsi aduersus expellentem succurratur, ipsa aequitas suggerit.

**X.** Atque ex his veritatem nostræ sententiæ sat manifeste constare arbitramur. E contrario autem communis sententia, nostro quidem iudicio, nullo evidenti & perspicuo juris textu, aut solida quadam ratione nititur. Etenim quod attinet Re scriptum Alexandri Imperatoris in l. Emptorem 9. Cod. de loc. & Cond. in quo palmarium fundamentum fux opiniois querunt interpretes, & cujus hæc sunt verba: *Emptorem quidem fundi necesse non est stare colono, cui prior Dominus locavit: nisi ea lege emit.* Verum si proberur aliquo pacto consensisse, ut in eadem conditione maneat: quamvis sine scripto bona fidei iudicio ei quod placuit, parere cogetur. Ex eo non appetet, Imperatorem ibidem de eo casu consultum fuisse aut rescriptisse, quo Conductor in possessione Fundi constitutus erat, & venditor eum expellere conabatur antequam tempus locationis esset finitum. Sed illud Rescriptum potius pertinet ad eum casum, quo quis Fundum, quem antea cuidam locaverat, antequam ipsi fundum tradat, alii vendidit, eique simul tradidit, hoc enim modo Emptor istius fundi, quippe qui cum Conductore non contraxit, necesse non habet eidem stare eumque in Colonum admittere. Nisi Emptor ea lege cum Venditore inita emit, aut probari possit Emptorem consensisse Colono, ut in eadem



dem Conditione i. e. Contractu Locationis antea cum venditore inito maneat: his casibus Emptor ei quod placuit, parere cogetur.

**XI.** *S*uggerunt hanc interpretationem ipsa R. scripti verba, utpote, quæ non generaliter de quovis colono, sed nominatim de eo, cùi prior D. minus locavit, nec de quovis Emprore, sed de eo tantum in quem à priori Domino & Locatore dominium est translatum, concepta sunt. Nam ex his verbis; *Cui PRIOR Dominus Locavit*: appet Imperatorem sensisse de tali Emptore in quem dominium translatum est, alioquin dicere potuisse: *Cui venditor locavit*: Cùm itaque ex supradictis th. 6. liqueat, venditorem eo casu, quo Conductor in possessione est, vacuam rei possessionem tradere & consequenter dominium in Emptorem transferre non posse, consequens est, ut hoc rescriptum de eo casu, quo Conductor in possessione constitutus intelligi non possit, sed in terminis nostræ sententia explicari aut saltem eiusmodi interpretatio, quippe quæ regulis iuris communis & rationis magis consonantanea est, præ communi admitti possit ac debeat.

**XII.** *N*ec juvatur sententia Communis Responso Gaji in l. si merces. 25. s. 1. ff. loc. cond. Ubi Jctus ita scribit. *Qui fundum vel habitationem alicui locavit, se aliqua ex causa fundum vel ades vendat, curare debeat ut apud Emptorem quoque eadem pactione & Colono frui & inquilino habitare liceat, alioquin prohibitus aget cum eo ex conductoro.* Siquidem in proposita specie Gajus tantum consilium dat Locatori, quo pacto, si vendat rem alteri locatam, evitare possit actionem ex Conductoro, si forsan ab ipso Emptore in usu rei impeditatur,

aut



aut ab eo id non præstetur quod ex lege Locationis Conductori præstandum: e. g. si vicino ædificante obscurantur lumina crenaculi, vel si ostia vel fenestræ nimium corrupta, non restituantur, ut ipse Gajus in l. 25. §. 2. id declarat, & pluribus exemplis illustratur in l. 15. l. 19 & aliis similibus ff. eodem. Nam etsi Emptoris culpa impeditatur conductor re conducta frui. Emptor tamen exinde Conductor nulla actione tenetur, sed tantum locator cum quo contraxit. Ut itaque constringatur Emptor ad id, ut eadem pactione & e modo quo inter Locatorem & Conductorem convenit; Conductorum frui patiatur, eique præstet id quod ex lege Locationis ipsi præstari convenit, consultum est Locatori cum Emptore eo nomine pacisci. Alia autem est quaestio, utrum Conductor invitus Emptori cedere teneatur nec illi prohibenti aut expellere conanti resistere possit. Aut an illi de facto prohibito aut expulso nullum aliud remedium quam sola actio contra Locatorem competrat? de quo hoc in loco Gajus nihil definit.

**XIII.** Similiter parum præsidii invenit comimus illa Interpretum conclusio in l. qui fundum. 32. ff. loc. cond. Ubi Julianus scribit. Qui fundum colendum in plures annos locaverat, decessit & cum fundum legavit. Cassius negavit, posse cogi Colonum ut fundum coleret, quia nihil baredis interesset, quod si Colonus vellat colere & ab eo cui legatus esset fundus prohiberetur, cum barede actionem Colonum habere &c. Quoniam textus ille, ut id manifeste evincunt ejus ultima verba: Et hoc detrimen-  
sum ad baredem pertinere, sicuti si quis rem, quam vendidisse, nec dum tradidisset, alii legasset, bareas ejus Emptori & Legatario esset obligatus, de eo casu agit, quo defunctus  
qui.

quidem in plures annos fundum locaverat, antequam autem Colono traderet, alteri legavit & decessit, hoc enim in casu Legatarius, quippe in quem statim à morte testatoris ejus fundi dominium transit l. 64. ff. de furi. l. 80 ff. de leg. 2. Colonum, qui nullum jus neque in fundo, neque in personam Legatarii habet recte prohibere potest ne fundum colat. Alia autem est ratio in Colono qui actu fundum detinet, in quo meritò obtinet illud vulgatum.

*Turpis ejicitur quam non admittitur hostes.*

**XIV.** POrto nihil pro communi sententia facit, aut nostræ officit l. 120. s. 1. ff. de leg. 1. Ubi Ulpianus respondet, *Fructus ex fundo purè Legato post aditam hereditatem à Legatario perceptos ad ipsum pertinere: Colonum autem cum herede ex conductor habere actionem.* Nam quod ibidem ait JCtus: *Fructus perceptos ad Legatarium pertinere: non cō pertinet, quasi legatario in fundum alteri locatum irruere & fructus rapere licet,* cum illicitum hoc esse ex supra deductis appareat; & idem Ulpianus eo casu Conductor actionem injuriarum l. 5. pr. & s. 2. & 4. ff. de injur. & famos. hb. & l. 13. s. 7. ff. eod. imo ei qui publicè conduxit, remedium Extraordinarium, scilicet interdictum speciale de loco publico fruendo concedat. d. l. 13. s. 7. ff. de inj. & l. 1. pr. & s. 1. ff. de loc. publ. fruend. Sed agit de casu, quo Legatarius sine vi fructus percepserat & de dominio & restitutione illorum quæstio movebatur: Quò recte responderet, fructus ejusmodi perceptos non ad Colonum (quippe qui dominium fructuum non aliter acquirit, quam si ipse aut a-



Ius ejus nomine perceperit l. 60. §. ff. loc. Cond. l. 6 I.  
§. 8. ff. de furi. §. 15. vero 36. Inst. de rer. divi. ibique Vinn.  
in Comment. n. 4.) sed ad Legatarium, ad quem fundi  
proprietas & fructus post ad itam hæreditatem alioquin  
spectant l. 7. §. 5. ff. de dol. mal. l. 44. §. 1. l. 86. §. 2. de leg.  
l. Struv. Exerc. 35. th. 20. pertinere, & Colono hoc casu  
nullam actionem neque furti, quia rei suæ furtum pro-  
priè dictum nemo facit. Paul. 2. sent. 21. Vinn. in §. 10 Inst.  
de Obl. qua ex del. nasc. neque rei vindicationem aut con-  
ditionem furtivam, ut pote qua soli domino competent.  
l. 23. l. 41. ff. de rei. Vind. l. 25. ff. de O. & A. l. 1. ff. de Cond.  
fure. l. 14. §. 16. ff. de furt. adversus legatarium compete-  
re, sed cum ex Conducto tantum adversus hæredem ha-  
bere actionem. Vel dicendum in d. l. 120. agi de casu,  
quo hæres post mortem testatoris, ex quo tempore do-  
minium rei putè legatæ jam dum in Legatarium transie-  
rat, rem legatam locaverat. Hæc enim locatio Lega-  
tario ut domino non præjudicat, sed is nihilominus fun-  
dum cum fructibus evincere potest l. 9. pr. ff. loc. cond.  
quomodo & illum textum accipere videtur Struv. Exo-  
erc. 24. th. 27.

**XV.** Illud autem hic non pertinet, quod Pau-  
lus libro 3. Sententiarum relatus in l. arbo-  
res. § 9. §. 1. ff. de usufr. respondet. Quicquid in fundo na-  
scitur, vel quicquid inde percipitur ad fructuarium pertinet:  
Pensiones quoque jam ante locatorum agrorum, si ipsa quo-  
que specialiter comprehensa sunt. Sed ad Exemplum Vend-  
itionis, nisi fuerint exceptæ, potest usufructuarius Conducto-  
rem expellere. Nam Paulus, cuius responsa ut plurimum  
concisa & obscura sunt, vid. l. 17. ff. de Inoff. test. l. 40. ff.  
dsc

de reb. cred. ibidem nihil aliud vult, quam hoc: scilicet Usufructuario omnem redditum deberi, adeoque etiam pensiones Conductorum, non quidem antea debitas, quam usum fructum est consecutus, nisi specialiter in testamento aut contractu comprehensa sint, sed eas, quas stante usufructu Colonus debet. Has itaque, nisi specialiter in testamento vel contractu fuerint exceptæ, Conductorem Usufructuario præstatere debere, alioquin expelli posse, ad exemplum ejus, qui fundum alteri locatum emit, quippe qui eo casu, quo Conductor pensionem non solvit, aque ac Venditor jus eum expellendi habet. arg. l. 67. ibique Brunneman & Dd. comm. ff. de Contrab. Emps. & hoc modo illum textum intelligit & interpretatur idem Brunneman in Comment. ad ff. in d. l. 59.

**XVI.** ET quamvis (quod ulterius urgent Doctores) nullum jus in re habeat Conductor, sed ipsi tantum ex contractu actio in personam adversus Locatorem ejusque heredem competat. l. 3. pr. & l. 25. pr. ff. de O. & A. adeoque singularem successorem nulla actione convenire possit, neque hic Conductoris actioni de facto intentata stare teneatur (uti hoc modo bene explicari possunt verba Rescripti in l. 9. Cod. de loc. & Cond.) non tamen ex eo rectè inferitur, Emptorem aut alium singularem successorem, Conductorem in possessione rei constitutum expellere, neque hunc ulla exceptione se defendere posse. Fere enim nihil frequenter in jure nostro occurrit, quam ut is, qui alicujus rem detinet, et si nullam alias actionem habeat adversus pentem, eum tamen exceptione dolii mali eiusque repellere possit, donec ipsi satisfactum sit. vid. l. 30. 32.



33. & 34. Inst. de rer. div. & Job. Petr. Malignat. qui integrum tractatum de hoc retentionis jure conscripsit. Idemque retentionis jus Interpretes juris nominatum concedunt Conductor i eo in casu quo pensionem jam solvit. Struv. Exec. 24. th. Coler. de proc. execut. c. I. n. 240. & seqq. Quidn̄ igitur & exceptio doli mali Conductor competet adversus Emptorem aut similem successorem singularem, qui contra naturam contractus & æquitatem ante tempus Locacionis finitum eum expellere conatur? Præsertim si successor ille singularis causam habeat ab ipso Antecessore uti Emptor a Venditore. Sanè juri civili ejusmodi successorem easdem exceptions, quæ contra Antecessorem competunt, advertius se admittere teneri jam supra ex l. 4. s. 27. ff. de dol. mal. & met. except. junct. l. 143. l. 156. s. 2. l. 160. s. 2. l. 175. s. 1. ff. de Reg. Jur. probatum est, nec de eo dubitari amplius posse credimus.


**XVII.** *E* Contrario autem is, qui nullam ab antecessore causam habet, regulariter recte evincit fundum quem possessor alteri locaverat, eoque pertinet casus in l. s. filio familiæ. 25. s. ult. ff. solut. matrimon. quo maritus fundum dotalium in quinque. annum legaverat, matrimonium autem post primum annum solutum erat, cum enim soluto matrimonio dominium rerum dotalium ad uxorem ipso jure redeat. l. 30. Cod. de jure dor. recte Sabinus ibidem à Paulo relatus ait, fundum mulieri reddi oportere. Resoluto enim jure dantis, resolvitur & jus accipientis, arg. l. 31 ff. de pign. & hypoth. ibique Dd. Comm. Diximus regulariter: Aliquando enim æquitas à regula recedere jubet, exemplum

est



est in l. 8. s. 1. ff. de reb. autb. judic. possid. Ubi Ulpianus scribit, creditorem in possessionem rerum debitoris missum servare tenere locationem à debitore antea bonâ fide factam. Cum enim hoc casu, ubi ex necessitate res debitoris venditur, Conductor de evictione Locatorem convenire non possit, durum & iniquum fore, eum è Conductione expellere. Bartol. Glos. & Dd. comm. ad d. l. Mantica. d. tac. & ambig. conv. lib. 5. t. 10. n. 10. & 27. Capzov. sape cit. p. 2. const. 37. def. 4. Struv. Exerc. 24. ib. 27.

**XVIII.** Sed instet aliquis & dicat, nihil interest se Conductoris eti Emptori cedat, cum vendor ipsi teneatur de omni, eo quod ejus interest non esse servatum contractum. Respondemus, & hoc modo Emptoris nihil interesse, cum ejus nomine Venditorem ex contractu codem modo devinctum habeat, in pari autem meausa potiorem esse possestorem l. 8. ff. de Condict. ob turp. Caus. Imò Conductor qui in possessione constitutus est, sine dubio majus jus habet quam nudus Emptor cui res nondum est tradita arg. l. 15. Cod. de rei vind. Invitus igitur cedere non tenetur, et si à Venditore vel Emptore id quod interest offeratur, nec enim interesse in hanc conventionem venit, sed ut Locator per tempus definitum Conductorem frui patiatur, aliud autem pro alio invito creditori in solutum obrudi nequit l. 2. s. 1. ibique Brunneman & Dd. comm. ff. de reb. cred. Quod & Struv: D. Exerc. 24. Capzov. p. 2. const. 37. def. 4. & Dd. communiter teste Fachin. lib. 7. contr. jur. c. 88. in illis casibus, quibus Conductorem cedere non teneri putant, agnoscunt. Nec obstat, quod pati aliquem uti fruire con-



ductâ videatur esse factum. Ad factum autem præcisè præstandum nemo cogi posse, sed præstando id quod interest liberati. l. 13. s. 1. ff. de re judic. l. 72. pr. ff. de V. O. ibique Dd. comm. Nam hoc intelligendum est de simpli- cibus & nudis factis quæ hominis operam & membrorum corporis desiderant, qualia sunt; Romam ire, tabulam pin- gere, fessam fodere &c. Vinn. in s. ult. Inst. de V.O. n. 3. & in pr. Inst. de Empt. & Vend. n. 7. & Dd. Comm. in d. l. 13. & 72. Hic autem nullum factum sed nuda patientia à Locato- re desideratur.

**XIX.** N<sup>E</sup>que hoc pacto ulla injuria vel Emptori vel Venditori infertur, utpote qui sibi im- putare debent, quod de re alteri locatâ, adeoque quo- dammmodo alienâ, scienter contraxerint, nec Conducto- ris consensum & voluntatem, utrum cessurus sit nec ne an- te exploraverint sibique conciliaverint, quod tamen fieri debere naturalis ratio satis dictitat. Unde si ex eo quod Conductor postea cedere nolit, damnum incurant, sibi non Conductor imputare debent: l. 202. ff. de reg. jur. c. damnum 86. cod. in 6. & qui jure suo uritur nemini facit injuriam l. 1; s. 1. ff. de injur. E contrario iniquum est, ob Locatoris factum Conductorem difficillimæ probationi ejus quod interest adstringi & simul periculo involvi, ne istud justò minoris aestimetur & ad exiguum summam de- duatur, quod plerunque fieri restatur Venulejus in s. ult. ff. de stip. præ.

**XX.** P<sup>R</sup>æterea non videmus, quo pacto stante communis intentia unquam valide contra- hère possit Conductor. Cum enim nullus Emptor, se- cundum communem interpretationem legis. 9. C. de loc. & Cond.

*Cond.* stare teneatur *Conductor*, pactio ejus, ut in eadem conductione maneat cum primo Emptore inita non prajudicabit Secundo aut Tertio. Neque etiam eo modo, quo *Conductor* pro observatione contractus rem conductam sibi oppignerari curaverit, satis prospectum ipsi est, si legum rationes magis quam e communis opinionis autoritas attendantur. Nam hypotheca illa, sive generalis sive specialis, tantum constituitur ad firmitatem contractus, dissoluto itaque contractu per venditionem rei locatae (prout Dd. existimant ideoque inter modos firmendi Locationem referunt) si res Locata vendatur. *Treutler. vol. 1. D. 29. th. 8. Fachina. Controv. Jur. lib. 1. c. 88.*) & ipsum pignus, tanquam necessarium dissolvi necesse est. *arg. l. 178. ff. de Reg. Jur. l. accessorium cod. in 6. Perez. in Cod. tit. de Loc. & Cond. n. 34.* ac proinde nihil amplius operari potest hypothecæ constitutio, quam ut expellere conans Emptor aut Venditor, *Conductor* prius offerre cogatur id quod interest, quo oblato *Conductor* cedere tenetur, prout etiam concludunt *Covarruv. lib. 2. Var. resol. c. 15. n. 5. Neguzant. de pignor. part. 2. memb. 1. n. 6.* qui hanc conclusionem communem esse ibidem testatur, quamvis ab ea cum aliis recedat *Siruv. Exerc. 24. th. 17.* Imo posito eo, quod venditione rei Locata finiatur Locatio, necessario sequitur *Conductorem* ne quidem ad interesse agere posse adversus Locatorem, quoniam tamen sententiam, ut à juris & æquitatis ratione alienam, rectè rejicit & refutat *Carpzov.* *sæpe cit. p. 2. Const. 37. def. 7. Berlich. pract. const. p. 2. concl. 45. n. 14.*

**XXI.** *Innumma Communis sententia ubique in iuri rationem non parum impingit.* Unde etiam Legem illam 9. *Cod. de Loc. & Cond.* (vel potius ejus communem interpretationem) in Hollandia & plerisque Bel-



Belgii locis abrogatam, usuq; vulgi contrarium ibidem receptum esse dictum Huir gaet voor Koop testantur Grænewegen de LL. abrog. in d. L. 9. n. 4. Gudelin de jure noviss. lib. 7. c. 3. Vinn. in s. ule. Inst. de Loc. & Cond. & alii ab his allegati. Reæt omnino: Quid enim magis congruit fidei humanæ quam ea quæ inter contrahentes placuerunt servare? l. i. pr. ff. de pact. contrâ, quid gravius quam fidem contractus fallere? l. i. ff. de const. pecun.

**XXII.** *L*icum autem habere hanc sententiam in quovis Conductore, adeoq; etiam in Conductore æd:um seu inquilino non dubitamus. Nam neq; hunc expellendi justam causam esse, si ædes vendantur, vel ex ipsa l. AEd. 3 Cod. de Loc. & Cond. liquet. Et quamvis domino ædium & Locatori ibidem inter alia his casibus: scilicet, si propriis usibus eam necessariam esse Dominus probaverit, aut domum corrigeremaluerit &c. jus expellendi Conductorem concedatur, tamen cum constitutio illa nominatim de persona Locatoris loquatur, adeoq; privilegium sit personale, personam Locatoris non egreditur, & consequenter ad aliū singularem successorem extendine nequit s. 6. Inst. de jur. nat. Gent. & Civ. l. 14. ff. de LL. l. 196. ff. de Reg. Jur. Accedit, quod ad id, ut Locator ex hac causa, quia propriis usibus domum necessariam dicit, Inquilinum expellere possit, requiratur, ut illa necessitas non adfuerit tempore Contractus, sed postea inopinato supervenerit. Brunneman. & Dd. comm. in d. l. AEd. Molina de just. & jur. Disp. 499. n. 9. Trensacinq. lib. 3. var. resol. tit. de Loc. & Cond. resol. 4. n. 4. Carpz. p. 2. Const. 37. def. 6. Multo minus itaq; cedere tenetur Inquilinus Emptori, qui domum sciens alte. i Locatam habitationis causa emit. Atque hic in præsentia subsistimus dicentes.

SOLI DEO GLORIA.



## COROLLARIA.

- I. **E**xceptio Compensatio-  
nis modo initio opposi-  
ta & liquida sit, aut in conti-  
nenti liquidari possit, etiam  
in deposito habet locum.
- II. Venditor, cui Evictio est re-  
missa, re evictâ nequidem  
ad pretii restitutionem te-  
netur.
- III. Emptor judicis mandato  
solvere prohibitus, penden-  
te mandato ad usuras non  
tenetur, et si pretium non  
deposituerit.

C

Bar.



B Artolus & Baldus nobis vene-  
randus uterque,  
Quod magis est justum prævalet  
usque tamen.

### PRÆSES.

E Gregium specimen Z O L L I , vestigia  
ZOLLI  
Præsidis egregii quæ premis esse patet ;  
Pergito sic magnis insistere gressibus istis  
Ausibus & tantis premia digna feres.  
Hilce pereximum Dn. Respondentem,  
Magni JCti Zollii ipsius Patrui æmu-  
lum acclamare voluit.

H E N R . B O D I N V S ,  
Dr. & Inst. Prof. Ord.

V Enditor Empori plus juris quod dare posset  
Quam ipse habeat, vulgo per forâ cuncta strepit  
Hec tamen innato est paxis contraria juri,  
(Quod negat ut quisquam queis caret, illa daret : )  
Quem si confutat morem, doctissime Z O L L I  
Zolliadum claro nomine dignus eris.  
Paucula hæc præstantissimo Dno ZOLLIQ  
gratulabundus accinuit  
Constantinus Nüslerus ,  
Philos. & J.U.D. & Prof. Ordinar.

Fama perpetuâ volens beari,  
 F Hoc linquit gremium soli lutosum,  
 Nec non æthera posse se tenere  
 Confidit: nihil facit labores ,  
 In rorem licet ossa cuncta manent.  
 Quid, quid ZOLLiUS? is polumque cal-  
 cat,  
 Doctam scribere Disputationem  
 Non hærens. Celebramus hinc proban-  
 dos  
 Hos ausus, damus atque sertâ lauri.

*Hicce Nobilissimo atque Doctissimo Do-  
 mino ZOLLIO de edito specimine  
 gratulari voluere. Domini D, BO-  
 DINI,*

### Commenſales.

ZOLLIUS Agnato, dixit, tu solve tri-  
 butum  
*Vt videam studiis te incubuisse tuis:*  
 Dixerat, & promptâ consensit mente, tributum  
 Non alio, quam te Praefide præco dabo:  
 Rin.



Rintheis applaudit gaudet præcone cathedra  
Dum simul hæc certant Patrius atque Nepos.

Hæc testandæ amicitiæ gratiâ sub-  
jungere voluit debuit

## Philippus Henr. Bothius,

p. 1. Convict. VVilhelmi MAJOR.

**M**as Miet - und Haussen sey/  
und welches vorzuziehen  
Das zeigt Her **ZOLLE** sehr schön in vor-  
gesetzten Riehen/  
Darauß zur gnüg erheilt wie Er die  
Weisheit liebt/  
Und der Gerechtigkeit sein ganzes  
Thun ergiebt.  
Er miet nun auch zu Dienst was  
Ihm beliebt zu haben/  
Chr/ Reichthum/ Lust und Freud/ und  
was dergleichen Gaben.

Ioh

**I**ch wünsche daß sein Haupt bald krön  
der Purpur pracht/  
Alsß der mit recht zu Lohn Ihm vor den  
Fleiß wird bracht.


Mit diesem hat seine schuldige Ob-  
servantz abstatten wollen

**K**OH. MIR. STIEBER /  
LL. Stud.


**D**EN Zoll gibt man gar gern/  
wenn man viel Waren führet/  
So zahlet auch Herr SGLEden  
Zoll / wie sichs gebühret  
Von seiner WeisHeits - Last.  
Drumman Ihm wünschen soll/  
Apollo gebe Ihm den wolverdien-  
ten Zoll.

Diesen Zoll hat seinem wertesten Freunde schul-  
digst erlegen sollen

**K**EORG WIEDERHOLD /  
Mündā Hannoveranus LL.St.  
F I N I S.







**ULB Halle**  
003 598 519

3



*Sb*

*VDA*





2241

16874

16

*Dissertatio Juridica*  
Ad L. Emptorem 9. Cod. de loc.  
& Cond.

**COMMUNEM**  
**EJUSDEM LEGIS INTER-**  
**PRETATIONEM ET HINC**  
**ENATUM ILLUD VULGARE:**

**Rauff gehet vor Riethe /**  
**refellens:**

Quam  
*DEO VOLENTE,*  
PRAESIDE  
VIRO AMPLISSIMO AC CONSULTISSIMO  
**DN. HERMANNO**   
JCto & Pandectarum Professore in hac Illustri  
Academiâ celeberrimo,  
Patruo, Hospite ac Praeceptore suo venerando.  
Publicè defendenda suscepit

**PHILIPPUS ECKHARDUS**  
30<sup>th</sup> Hombergâ-Hassus.  
In Auditorio fitorum ad d. 30. Aprilis  
Anno M DC LXXXVII.

RINTHELI, Typis G. Caspari Wächter/ A. Typ.